

Истеъдод

Адабиёт ва санъат саҳифаси



ЎРИК ГУЛЛАГАНДА

Деразамнинг олдида бир туп
Ўрик оппоқ бўлиб гуллади...

Новдаларни безаб гунчалар,
Тонгда айтди ҳаёт отини
Ва шаббода курғур илк саҳар
Олиб кетди гулнинг тотини.

Ҳар баҳорда шу бўлар такрор,
Ҳар баҳор ҳам шундай ўтади,
Қанча тиришсам ҳам у беор
Еллар мени алдаб кетади.

Майли, дейман ва қилмайман гаш,
Хаёлимни гулга ўрайман;
Ҳар баҳорга чиққанда яккаш,
Бахтим борми, дея сўрайман.

Юзларимни силаб, сийпалаб,
Бахтинг бор, деб эсади еллар.
Этган каби гўё бир талаб,
Бахтинг бор, деб кушлар чийиллар...

Ҳамма нарса мени қаршилар,
Ҳар бир куртак менга сўйлар роз,
Мен юганда боғларга тўлар
Фақат бахтни мактаган овоз:

“Мана сенга олам-олам гул,
Этагингга сикқанича ол,
Бунда толе ҳар нарсадан мўл,
То ўлгунча шу ўлкада қол.

Умрида ҳеч гул кўрмай, йиглаб
Ўтганларнинг ҳаққи ҳам сенда,
Ҳар баҳорни йиглаб қаршлаб
Кетганларнинг ҳаққи ҳам сенда...”

Деразамнинг олдида бир туп
Ўрик оппоқ бўлиб гуллади...

Ҳамид ОЛИМЖОН

ЁНИМГА КЕЛ

Дилрабо, изҳори ишқ айларам, ёнимга кел,
Қўймаса сайёд дил найларам, ёнимга кел.

Тола-тола соч каби ҳисларим ҳар ёндадур,
Оҳ, сени ошuftаҳол ўйларам, ёнимга кел.

Кўзларим муштоқ эрур, йўлларингга термулиб,
Лаҳзаларни лаҳзаларга бўйларам, ёнимга кел.

Оразингни эй санам, қалбга оққай куй-наво,
Мен шоён кўшиқларим куйларам, ёнимга кел.

Севги лойимда азалдан ул Худо фармони-ла
Аҳли ишққа мен уни сўйларам, ёнимга кел.
Фармон ТОШЕВ

ШУКРОНА

Бедилона талқин
Баҳор эшик қокди, тонгданоқ туриб,
Сабза бош кўтарди Наврўзни кутиб.
Замин сидирмоқда қорли либосин,
Дарёлар шунқордек елар, пишқириб.
Таажжуб-ла қуёш жилмаяр майин,
Қаҳ-қаҳ отар тоғлар яшинни илиб.
Наботот киймоқда яшил хилқатин,
Шамол парвозадир, булутни қувиб.
Қушлар хонишдадир, турфа оҳангда,
Хилини кузатар даканг, керилиб.
Қарчиғай сайронда, кўкнинг тоқида,
Булбуллар хушилхон, шавққа берилиб.
Оломон қувончи сигмас оламга,
Сайлгоҳга талпинар, қўл-қўлга бериб.
Чикди истиқболга барча тирик жон,
Дехқону чорвадор, қувончга тўлиб.
Хофизлар тилида янграйди қўшиқ,
Шоирга завқ берай илҳом жўш уриб.
Майса узра хиром айлар раққоса,
Машшоқнинг созиға нози жўр бўлиб.
Самовот товланиб нилуфар рангла,
Шаффофлик эндиар ерга, интилиб.
Янги ой, янги йил-бу поклянишни
Қутлаймиз, Тангрига шукрона туйиб.

Рўзикул АБДУВАЛИ,
Шахрисабз

ТУНГИ ФУТБОЛ КАСРИ

(Ҳажвия)

Туни билан футбол
кўриб, сеvimли команда-
сининг мағлубиятидан аса-
би бузилган, устига-устак
ишдан кечикишининг саба-
бини ҳам шунга йўйган
дўхтир йигит қабулхонада
ёши ўтинқираган аёл би-
лан эркакни кўриб ажаб-
ланди. Бир хаёли қабулни
орқага сурмоқчи бўлди,
лекин Гиппократ қасами
ёдига тушиб, аёлни хона-
га киритмоқчи эди, эркак
тихирлик қилгани учун
унга ҳам рухсат берди. Хо-
нага киришгач, уларни
эшик ёнидаги ўриндиққа
ўтиришга таклиф этди. Ўзи
эса девордаги илгакда
осиғлиқ халатини олиб
кийди ва суянцигига сочиқ
ташланган курсига қараб
юраркан, йўл-йўлакай са-
вол берди:

- Нима гап, онахон?
- Бола масаласида кел-
гандик.
- Бу ерга бошқа маса-
лада келишмайди. - дўхтир
беҳтиёр тилига келган гап
беўхшов ҳазил эканини
сезиб, жиддийлашди. -
Безовта қилмаяптими?
- Безовта ҳам гапми, -
гапга қўшилди эркак.
- Отахон сиз қўшил-
манг, - танбёх берди
дўхтир. - Ёш қирқдан ўтган
дан сўнг бола онага оғир-
лик қилишини билмасми-
дигиз.
- Кампир олтмишда, -
яна гапга қўшилди эркак. -

Бу ёшда болага қараш ўзи
бўладими?
Дўхтир аёлнинг кўзи
атрофига шохлар отган ва
бўйнида иккита ҳалқаси-
мон ачинга текилиб, унинг
ёшини нотўғри чамалага-
нини сездди.
- Истамагандик, - деди
аёл ҳам гап оҳангда пу-
шаймонлигини яширмай, -
Қизим сақламасаларинг
бўлмайди, деб туриб олди.
- Ҳимояланиш керак
эди, - ачинди дўхтир, -
Қанча вақт бўлди? Кўзга
ташланмаслигига қараган-
да тўрт-беш ҳафта...
- Тўрт ой бўлди, - дўхтир-
нинг гапига бўлди аёл.
- Олти ой, - аниқлик
киритди эркак.
- Олти ойлик бўлса, би-
линарди? Ривожланишдан
орқага қолганимкан?
- Бирор чора кўрмаса
бўлмайди, - эркак дўхтир-
нинг тушунарсиз гаплари-
дан асабийлашди.
- Энди кеч, - ожизлиги-
ни ифода қилмоқчи
бўлгандек дўхтир қўллари-
ни куш қанотини очгандек,
икки ёнга ёйди, - яна уч
ой чидайсизлар.
- Нега уч ой? - аёл ха-
вотирини яширмади.
- Ўн-ўн беш кун фарқ
қилиши мумкин. - дўхтир
аёлни тинчлантирмоқчи
бўлди.
- Бугундан гапиринг,
бугун нима қилиш керак?
- эркак тоқатсизланди.



юзланди?

- Чақирингчи бу ёққа.
Эркак хонадан чиқиши
билан дўхтир аёлга парда
билан тўсиб қўйилган хона
четига ўтишини сўраб,
қизга топшириқ берди.
- Онахонни назоратдан
ўтказинг.
Қиз бир дўхтирга, бир
аёлга қараб, ҳайрон бўлга-
нича парда орқасига
йўналди.

Ортидан кирган аёл би-
лан паст овозда савол-жа-
воб қиларкан, эшикдан эр-
как неварасини олиб кирди.
- Салом қани? - деди
дўхтир иккала қўлогига ҳам
мусиқа эшитиш мослама-
сини тақиб олган ўспирин-
нинг сабза урган мўйлови
ва антиқа услубда пардоз
берилган сочиға текилиб.
Йигитча ҳали жавоб
бермай парда орқасидан
пиқирлаган кулги овози
эшитилди ва кейин, аввал
оппоқ халат кийган ҳамши-
ра, ортидан аёл кўринди.
Дўхтир бир муддат олдин
йиғламоқдан бери бўлиб
турган ҳамширанинг кулгу
яширинган юзига савол
назари билан қаради.

- Сиз ўйлаган бола мана
шу шумтақа экан, - деди
кулиб ҳамшира, - Қариялар
бизга қўшни бинода жой-
лашган вояга етмаганлар
ишлари бўйича комиссия-
га келишган экан. Адашиб
бизнинг поликлиникага
келиб қолишибди.

У шу гапларни айтаркан,
отилиш пайида бўлган кул-
гусини тўхтатиб қолиш учун
қўли билан оғзини бержит-
ди. Эркак бошқа жойга ке-
либ қолганидан хижолатда,
аёл эса дўхтир қўйган таш-
хисдан ийманиб, юзи қип-
қизарган, ўспирин жазодан
қутилгани аён бўлгани учун
яна мусиқа эшитишга ту-
тинганди. Фақат, бу тунда
кам ухлаш оқибати албат-
та, бўлиб ўтган воқеанинг
моҳиятини ҳали тўлиқ ан-
глаб етмаган дўхтирнинг
қиёфасидан ҳеч нарсани
англаб бўлмасди.
Хуришд НУРУЛЛАЕВ

БИР ЎЛКАКИ...

Бир ўлкаки хуснга бойдир,
Унинг энг зўр кўзгуси ойдир.
Шундай ўлка доим бор бўлсин,
Шундай ўлка элга ёр бўлсин.
Ҳамид ОЛИМЖОН

Бир ўлкаки, жондан азиз тупроғи, тоши,
Тонг саҳардан пешвоз чиқар заррин куёши.
Асрларни қувиб борар шамолдай ёши,
Афросиёб, Ўрхун хати боқий сирдоши.

Бир ўлкаки, халқи озод, аҳил, хотиржам,
Мақсад улуг, кўнгил ҳаёт завқидан хуррам.
Олисга йўл олиб қадам ташлайди бардам,
Дунё аро шараф топиб бўлғай мукаррам.

Бир ўлкаки, боғбони кўп, чаманзори кўп,
Эл хушлаган достони кўп ва алёри кўп.
Анвойи нон, меваларга бой бозори кўп,
Анҳори кўп, асрори кўп, хушатвори кўп.

Бир ўлкаки, ёшу қари ишдан чарчамас,
Дилларда ин қурган ҳунар, ижодга ҳавас.
Қизларга боқ, чирой очган кийиб хонатлас,
Шукроналар айтай замонамга ҳар нафас.

Бир ўлкаки, андишали, танти эли бор,
Ҳаттоки бир чумолига бермайди озор.
Ҳар бир сўзи қасам; асло қилмайди такрор,
Шундай аҳил юртим билан мен ҳам бахтиёр.
Бир ўлкаки...

Нормурод КАРИМЗОДА

ИСЛОМ БОБО

Мустақил юртимизга илк сарбон Ислom бобо,
Тарихдан ўчмағайсиз ҳеч замон Ислom бобо.
Чорак аср тиним билмай эл деб жон чекдингиз,
Дардингизга бўлoлмадик дармон, Ислom бобо.

Самарқанднинг фарзандисиз, сўрсалар аслингиз,
Алломалар авлодидан эрур пок наслингиз,
Кўрган дилни яшнатарди нурафшон васлингиз,
Чехрангиздан ёришарди жаҳон Ислom бобо.

Ёшлар менинг фарзандим деб, сўзлардингиз жўшиб
Кексаларни зўр улуғлаб, меҳрингизни қўшиб,
Озoдбекнинг қўшигига чунон рақсга тушиб,
Кучингиздан зобитлар лол, ҳайрон Ислom бобо.

Қасру қошона қилдингиз эски уйларимиз.
Ким ҳайрон, ким ҳавас қилди кўрса тўйларимиз.
Тоғ бўлди, осмонга етди эгик бўйларимиз.
Элга меҳру муҳаббати осмон Ислom бобо.

Асрадингиз юрт худудин, кирмади бирор ёт.
Ватанимиз қудрат топди, шахру кишлоқ обод.
Охиратингиз ободу руҳингиз бўлсин шод,
Халқингизда қолмағай ҳеч армон, Ислom бобо.

Малоҳат ҲАМИДОВА,
Равонак маҳалласи

Ким кўрибдур, эй кўнгил, аҳли жаҳондин яхшилик?
Кимки ондин яхши йўқ, кўз тутма ондин яхшилик...

Ўтган ҳафта пайшанба куни туман худудидаги “Имом
Аъзам” жомеъ масжидида “Маънавият соати” бўлиб ўтди.
Унда тумандаги жомеъ масжидларида фаолият кўрсата-
ётган имом-хатиблар ҳамда туман Маънавият тарғибот
маркази раҳбари Азамат Ҳалимов иштирок этди. Тадбир
шоҳ ва шоир, буюк саркарда Заҳириддин Муҳаммад Бо-
бур ижодий фаолияти билан таништиришдан бошланди.
Шоирнинг ўзбек адабиёти ва тарихида тутган ўрни ҳамда
маънавий-маърифий ишлари кенг омма ўртасида тарғиб
этилаётгани хусусида сўз борди. Хожа Ахрор Валий жо-
меъ масжиди имоми нойиби Отабек Боқоний Заҳирид-
дин Муҳаммад Бобур мероси хусусида сўз юритиб, бун-
дай тадбирни ҳар бир жомеъ масжидида ташкил этиш
шу куннинг долзарб вазифаси эканлигини қайд этди.

Абдуғаффор АМИНОВ,
масжид имоми нойиби

СУРАТДА: тадбирдан бир лавҳа

ЗУЛФИЯХОНИМ ИЗДОШЛАРИ

6 март куни туман «Бар-
қамол авлод» болалар мар-
казида туман умумтаълим
мактабларининг бадийий
ижодга қизиқувчи ўқувчи
қизлари ўртасида «Зулфи-
яхоним издошлари» кўрик-
танлови ўтказилди. Танлов-
да марказнинг «Ёш нотик ва
журналист» тўғараги ва
умумтаълим мактабларида
адабиёт тўғараги аъзоси
бўлган 12 ёшдан 16 ёшгача
қиз болалар иштирок этиш
ҳуқуқига эга. Марказга тақ-
дим этилган ижод намуна-
лари асосида танлаб олин-
ган 11 нафар ёш қаламкаш
кўрик-танловнинг туман бо-
сқичида тўртта шарт бўйи-
ча баҳс олиб боришди. «Та-
нишинг, бу мен» шартда
ўзининг таржимаи ҳоли,
таъьилим олаётган мактаби,
яшаётган жойи ҳақида энг
яхши шеърий таъриф бер-



ган 14-умумтаълим макта-
би ўқувчиси Шаҳзода Раҳ-
матуллаева ва 43-умумтаъ-
лим мактаби ўқувчиси Ма-
дина Муродовалар энг кўп
балл олишган бўлса, «Ва-
танни севмоқ иймондан-
дир» шартда 33-умумтаъ-
лим мактаби ўқувчиси Но-

БОБУРҲОНИЛИК



энг юқори балл тўплаган 43-
умумтаълим мактабидан
Мадина Муродова, 33-
умумтаълим мактабидан
Нозанин Ҳайитова, 14-
умумтаълим мактабидан
Шаҳзода Раҳматуллаева ва
28-умумтаълим мактабидан
Садоқат Юсуповалар туман
«Барқамол авлод» болалар
марказининг фахрий ёрқик-
лари ва совғалар билан тақ-
дирландилар.
Мазкур кўрик-танлов-
нинг вилоят босқичида
иштирок этиш ҳуқуқини эса
43-умумтаълим мактаби-
нинг 6-синф ўқувчиси Ма-
дина Муродова қўлга ки-
ритди.
Шамсиддин ВАҲОБОВ,
туман «Барқамол
авлод» болалар
маркази услубчиси.
Бекзод КОДИРОВ
олган сурат

ШИРИН-НОРДОН ГАПЛАР

Адабиёт кўнгилхушлик эмас, кўнгил иши-
дир.
Китоблар – қадим муҳожирлардир.
Ёшлик – комедия, ўрта ёш – драма, кекса-
лик – трагедия.

Аҳмоққа – ақл, донога вақт танқис.
Таржимон – сўз овчиси.
Дунёда икки тоифа ростгўй бор: болалар ва
телбалар. Қолганлар эса...
“ТАФАККУР” ЖУРНАЛИДАН

Мирзаали АКБАРОВ